

Delegasi UMS lawat Balai Berita

Oleh Faizatul Farhana Farush Khan
ffarhana@bh.com.my

► Kuala Lumpur

Universiti Malaysia Sabah (UMS), baru-baru ini mengadakan kunjungan mesra ke Balai Berita BH di sini, bertujuan rapatkan hubungan dan menguhkan jalinan kerjasama di dalam usaha menggalakkan bidang pendidikan secara berterusan.

Ketua Bahagian Perhubungan Korporat UMS, Vina Zahriani Yusof, berkata kunjungan selama dua jam itu juga dilihat sebagai langkah untuk memudahkan universiti bergandingan bersama media bagi mempromosikan produk dihasilkan kedua-dua pihak.

“Semua mengenali BH sebagai sebuah akhbar yang mengutamakan pendidikan melalui sisipan diterbitkan, termasuk Varsiti untuk perin-

KAMI BERHARAP KERJASAMA INI DAPAT MEMPERKESAKAN PRODUK TERBABIT, SEKALIGUS MEMBERI KESAN KEPADA MASYARAKAT”

Vina Zahriani Yusof,
Ketua Bahagian Perhubungan Korporat UMS



gkat universiti. Komitmen BH ini membuatkan kita gembira bekerjasama bagi terus mengembangkan bidang pendidikan.

Peroleh kemahiran

“UMS sendiri memiliki produk yang dihasilkan, terutama berkaitan penyelidikan baharu. Kami berharap kerjasama ini dapat memperkenalkan produk terbabit, sekaligus memberi kesan besar kepada individu, masyarakat



Mahfar (kiri) memberi penerangan mengenai reka letak BH kepada Vina Zahriani.

dan negara.

“Bersempena dengan lawatan ini, kami turut mengutarakan keinginan untuk menempatkan kakitangan kami selama beberapa bulan di BH,

bermatlamat untuk memperoleh kemahiran dan latihan mengenai cara kerja penerbitan berita pendidikan,” katanya pada majlis pertemuan UMS-BH.

Yang turut hadir ialah, Pengarang Kumpulan BH, Datuk Mahfar Ali; Pengarang Bersekutu Ehwal Semasa, Kadir Dikoh; Penulis Khas Kanan, Saidon Idris serta Pengarang Pendidikan BH, Fadzlena Jafar.

Pada majlis itu, seramai 10 kakitangan UMS diberikan taklimat berhubung segmen online BH dan skop tugas sisipan pendidikan, selain mengadakan lawatan singkat ke setiap unit BH.